

138 peserta sertai program kepimpinan belia Asia AYLA 2021 UMS

Oleh Yap Siong Han

UB 13.11.2021 P.02

KOTA KINABALU: Seramai 138 peserta dari 10 negara menyertai program kepimpinan belia Asia Youth Leadership Assemblage (AYLA) 2021 anjuran Majlis Perwakilan Pelajar (MPP) Universiti Malaysia Sabah (UMS) baru-baru ini.

Pengarah AYLA 2021 Low Yee Teng berkata, penganjuran program selama dua hari itu memfokuskan pembangunan daya saing, inovasi, kecerdasan dan kemahiran pengurusan masa untuk melahirkan pemimpin muda di seluruh benua Asia.

“Ia seiring dengan Matlamat Pembangunan Mampan 2030 (Sustainable Development Goals – SDGs) yang diperkenalkan Pertubuhan Bangsa-Bangsa Bersatu (PBB).

“Antara yang dibincangkan adalah matlamat SDG 4 iaitu Pendidikan Berkualiti, SDG 5 (Kesaksamaan Jantina), SDG 6 (Air Bersih dan Sanitasi), SDG 7 (Tenaga Berpatut dan Bersih), SDG 13 (Tindakan Terhadap Iklim), SDG 14 (Kehidupan Dalam Air), SDG 15 (Kehidupan di Darat), and SDG 17 (Kerjasama demi Matla-



PESERTA: Sebahagian daripada peserta AYLA 2021.

mat),” katanya dalam satu kenyataan di sini, semalam.

Beliau berkata, program itu diadakan secara dalam talian melalui aplikasi Zoom membabitkan 18 universiti di Asia.

“Antara negara yang men-

gambil bahagian termasuklah China, Indonesia, Thailand, India, Kemboja, Filipina, Timor-Leste, Pakistan dan Brunei.

“AYLA 2021 juga menampilkan fasilitator jemputan dari Majlis Belia Kom-

wel Perwakilan Serantau Asia, Archana Vijai Kumar untuk membincangkan ujian personaliti bagi pemimpin belia.

“Selain itu kita turut menjemput Ketua Pegawai Eksekutif Empowered Liv-

ing Intentionally Forward Everyday (L.I.F.E) Amerika Syarikat, Kenneth Antoine, untuk mengupas tentang analisis kekuatan, kelemahan, peluang dan ancaman,” jelasnya.

Majlis perasmianya dis-

empurnakan Timbalan Naib Canselor (Hal Ehwal Pelajar dan Alumni) UMS, Prof. Madya Dr. Raman Noordin.

Dalam ucapannya, beliau menekankan bahawa belia adalah bakal pemimpin yang akan mencorakkan masa depan dunia.

“Justeru, perkembangan kemahiran mereka adalah penting untuk melahirkan pemimpin yang hebat. Penyelesaian masalah, kemahiran interpersonal dan kemahiran kepimpinan adalah aspek yang perlu diglap dan diselaraskan dengan matlamat untuk melahirkan pemimpin global.

“Syabas dan tahniah atas penganjuran AYLA 2021. Saya kagum dengan semua pemimpin dalam acara ini kerana kesanggupan, dedikasi, dan keinginan mereka untuk mempelajari sesuatu yang baru,” katanya.

Dengan tema Future on Us, program tersebut diadakan dengan kerjasama Jabatan Hal Ehwal Pelajar (JHEP) UMS dan rakan strategik RAKUN, sebuah komuniti sosial yang menyebarkan kasih dan kegembiraan, serta mempromosi universiti sebagai rumah kedua kepada pelajar.